



Broj: JN-1-16-3-30-4/21

Mostar, 08.11.2021.g.

Na osnovu člana 56. Zakona o hrani („Službeni glasnik BiH“, broj 50/04), 61. Zakona o upravi („Službeni glasnik BiH“, br. 32/02 i 102/09), odredbi Zakona o javnim nabavkama („Službeni glasnik BiH“, broj 39/14), člana 2. Pravilnika o postupku direktnog sporazuma („Službeni glasnik BiH“, broj 90/14), člana 5. stav (2) Pravilnika o postupku direktnog sporazuma Agencije za sigurnost hrane Bosne i Hercegovine (broj: 01-02-3-487-1/20 od 30.04.2020. godine), direktor Agencije za sigurnost hrane Bosne i Hercegovine, donosi

O D L U K U

o prihvatanju prijedloga cijene dobavljača

hotel „AMICUS“ Mostar po direktnom sporazumu za usluge hotelskog smještaja

I

Ovom Odlukom prihvata se prijedlog cijene dobavljača hotel „AMICUS“, na adresi: Magistralni put M17, 88000 Mostar, u nabavci usluga pod nazivom: „Usluge hotelskog smještaja“, za potrebe učesnika na obukama u sklopu Twinning projekta koje će se održati u Mostaru dana 10.11.2021. godine i dana 11.11.2021.g.. Jedinična cijena jednog noćenja sa doručkom po učesniku iznosi 42,00 KM bez PDV-a.

II

U skladu sa dostavljenom ponudom, sa dobavljačem zaključiti Ugovor o uslugama smještaja, a ukupnu vrijednost ugovora obračunati po ostvarenom broju noćenja učesnika za dva dana obuke, odnosno za 9/10.11.2021. godine i za 10/11.11.2021. godine, pomnožen sa jedničnom cijenom za jedno noćenje u iznosu od 42,00 KM bez PDV-a.

III

Izveštaj o provedenom postupku javne nabavke objaviti u informacionom sistemu „E-nabavke“ na način i u skladu sa Uputstvom o uslovima i načinu objavljivanja obaviještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15).

IV

Ova Odluka stupa na snagu danom donošenja.

Образложење

Postupak nabavke proveden je putem direktnog sporazuma. Shodno Odluci o pokretanju nabavke broj: JN-1-16-3-30/21 od 02.11.2021. godine, procijenjena vrijednost nabavke je 4.000,00 KM bez PDV-a. Postupak nabavke planiran je Privremenim planom nabavki Agencije za sigurnost hrane Bosne i Hercegovine za period I-XII 2021. godinu, pod šifrom JRJN 55110000-4 Usluge hotelskog smještaja.

U sklopu Twinning projekta u Mostaru se održavaju dvije obuke dana 10.11.2021. godine i dana 11.11.2021.g.. Na osnovu istraživanja hotela u Mostaru od službenika koji su uključeni u realizaciju pojedinih oblasti navedenog projekta, poslali su zahtjevi za prijedlog cijene sa Obrascem za prijedlog cijene na sljedeće adrese: hotel „AMICUS“, Magistralni put M17, 88000 Mostar; hotel „Bristol“ Mostarskog bataljona bb, 88000 Mostar i hotel „Mostar“ Kneza Domagoja bb, 88000 Mostar.

U zahtjevu za prijedlog cijene dobavljači su upoznati da je planirano 15 do 20 učesnika za noćenje po danu održavanja obuke, odnosno, za 9/10.11.2021. godine i za 10/11.11.2021. godine i da će se Ugovor sa dobavljačem koji dostavi najnižu cijenu ponude zaključiti po stvarnom broju noćenja za navedena dva dana obuke.

Putem e-maila primljene su dvije ponude sa prijedlogom cijena hotelskog smještaja i to hotel „AMICUS“ i hotel „Bristol“, dok hotel „Mostar“ nije dostavio ponudu sa prijedlogom cijene. Izvršen je uvid i kontrola u dostavljene prijedloge cijena.

Hotel „AMICUS“ je dostavio prijedlog cijene jednog noćenja u iznosu od 42,00 KM bez PDV-a, odnosno sa PDV-om u ukupnom iznosu od 48,80 KM. U ponudi je navedeno da su parking i sala za sastanke besplatni, odnosno gratis za navedene dane 10. i 11.11.2021. godine, kada se održavaju obuke.

Hotel „Bristol“ je dostavio prijedlog cijene jednog noćenja u iznosu od 54,64 KM bez PDV-a (koja uključuje popust od 30%) odnosno sa PDV-om u ukupnom iznosu od 63,92 KM.

U skladu sa kriterijem najniže cijene, od zadužene osobe dostavljen je prijedlog da se prihvati prijedlog cijene dobavljača hotel „AMICUS“ u iznosu od 42,00 KM bez PDV-a. Navedeni prijedlog cijene je u skladu sa procijenjenom vrijednosti nabavke i planiranim sredstvima u Budžetu Agencije.

U skladu sa članom 87 stav (3) Zakona o javnim nabavkama („Službeni glasnik BiH“, broj 39/14), odredbama Pravilnika o postupku direktnog sporazuma („Službeni glasnik BiH“, broj 90/14) i Pravilnika o postupku direktnog sporazuma Agencije za sigurnost hrane Bosne i Hercegovine (broj: 01-02-3-487-1/20 od 30.04.2020. godine) a shodno naprijed navedenom, donošenjem ove Odluke prihvaćen je prijedlog zaduženih osoba za pripremu i provođenje postupka direktnog sporazuma.

Pouka o pravnom lijeku: U postupku direktnog sporazuma nije dozvoljena žalba.

DIREKTOR

Dr.sci. Džemil Hajrić, s.r.

Dostaviti:

- web stranica,
- ponuđačima,
- Sektor za pravne i finansijske poslove,
- a/a;



Kneza Višeslava bb, 88 000 Mostar, Bosna i Hercegovina
 Кнеза Вишеслава бб, 88 000 Мостар, Босна и Херцеговина
 ☎ + 3 8 7 3 6 3 3 6 9 5 0, 📠 + 3 8 7 3 6 3 3 6 9 9 0
 www.fsa.gov.ba, E-mail: agencija@fsa.gov.ba

